



**Aðalfundur 2014**

**Aðalfundargerð**

# Aðalfundur Búnaðarsamtaka Vesturlands 2014

Árbliki 10. apríl 2014

## Dagskrá

Kl. 11.00

1. Fundur settur, skipan starfsmanna.
2. Skýrsla formanns Guðnýjar H. Jakobsdóttur.
3. Ávarp gesta.
4. Afgreiðsla kjörbréfanefndar.
5. Ársreikningur lagður fram.

### Matarhlé

6. Umræður um skýrslu stjórnar og reikninga.
7. Afgreiðsla reikninga.
8. Kynning á verkefninu „Hittu heimamann“.
9. Tillögur lagðar fram.
10. Nefndarstörf.
11. Afgreiðsla mála.
12. Kosning stjórnar og varastjórnar.
13. Kosning skoðunarmanna og endurskoðenda.
14. Önnur mál.
15. Fundarslit.

## 1. Fundarsetning

Fimmtudaginn 10. apríl 2014 var aðalfundur Búnaðarsamtaka Vesturlands (BV) haldinn að Félagsheimilinu Árbliki í Dölum.

Fundinn setti formaður Búnaðarsamtaka Vesturlands, Guðný H. Jakobsdóttir og bauð hún fundarmenn velkomna. Guðný gerði að tillögu sinni að Sigurður Þórólfsson og Halla Steinólfsdóttir yrðu fundarstjórar. Var sú tillaga samþykkt og bað formaður fundarstjóra að taka við stjórn fundarins. Fundarstjóri lagði til ritara fundarins, Ingvaldi H. Ingbergssdóttur og Þórhildi Þorsteinsdóttur. Skipuð var kjörbréfanefnd: Kristján Magnússon, Pétur Diðriksson og Rúnar Jónasson og tóku þeir þegar til starfa.

## 2. Skýrsla formanns Búnaðarsamtaka Vesturlands fyrir árið 2013

Rekstur Búnaðarsamtaka Vesturlands gekk vel á síðasta ári og varð niðurstaða ársreiknings sú að hagnaður var af rekstrinum upp á kr. 1.530.791.- og var heildarveltan kr. 99.006.613.-

Eftir breytinguna um áramótin 2012-2013, þar sem að leiðbeiningarþjónustan fór yfir í Ráðgjafarmiðstöð landbúnaðarins, stendur eftir hjá okkur (BV), sæðingarstarfsemi í bæði nautgriparækt og sauðfjarrækt, bændabókhalld, klaufsnyrting, lögbundnar úttektir á þróunar- og jarðabótaverkefnum og umsóknum hjá Framleiðnisjóði.

Á síðasta ári sáum við einnig um forðagæslu fyrir MAST en nú hefur sú vinna færst alveg yfir til þeirra.

Á árinu var unnið að þróun verkefnis um starfsumhverfi bænda – Öryggi –heilsa-umhverfi og er það verkefni nú komið af stað og mun Guðmundur Hallgrímsson sinna því.

Á árinu voru haldnir 6 stjórnarfundir og svo voru hefðbundir fundir eins og formannafundir bæði búnaðarsambanda og búnaðarfélaga. Undirbúningsfundur vegna mála til búnaðarþings er haldinn árlega með öllum búnaðarþingsfulltrúum og stjórnnum búnaðarsambandanna þriggja, Vestlendinga, Kjalnesinga og Vestfirðinga.

Ég sat einnig einn hádegisverðarfundur BÍ þar sem að umræðuefnið var „Hver á að framleiða matinn okkar?“ Eftir hádegisverðarfundinn var svo fundur með formönnum aðildarfélaga BÍ þar sem var kynning á verkefninu Bændur segja allt gott og svokölluðu Klasasamstarfi landbúnaðarins.

Á nýliðnu búnaðarþingi voru samþykktar talsverðar breytingar á samþykktum Bændasamtaka Íslands. Ber þar helst að nefna að fækkað verður í stjórn BÍ um 2, það verða framvegis 5 stjórnarmenn, kosning fer fram árlega til stjórnar og jafnframt skulu búnaðarþingsfulltrúar kosnir á hverju ári.

Kosning búnaðarþingsfulltrúa skal ljúka ekki síðar en á aðalfundi viðkomandi félags. Heimilt er félögum að hafa í samþykktum sínum að formaður félagsins sé sjálfkjörinn á búnaðarþing. Einnig var samþykkt að aðildarfélög skyldu sjálf greiða þingfaralaun sinna fulltrúa að undanskyldum ferðakostnaði, hann verður áfram greiddur af Bændasamtökum Íslands. Jafnframt var samþykkt að skipa vinnuhóp sem hefur það hlutverk að finna leiðir að fjármögnun samtaka bænda og koma með tillögur að fulltrúafjölda einstakra aðildarfélaga á búnaðarþingi.

Það er alveg ljóst að á næstunni verðum við að leysa það hvernig við ætlum að reka þetta félagskerfi okkar.

Ráðherra landbúnaðarmála hefur boðað það að hann muni á næsta haustþingi leggja fram tillögu um breytingu á búnaðargjaldinu, þar sem ljóst er að búnaðargjald sem félagsgjald aðildarfélags er óheimilt en hins vegar má nýta búnaðargjald til blaðaútgáfu (almenna kynningu), í ráðgjafarþjónustu og í Bjargráðasjóð. Mig langar í þessu samhengi að benda á að félagsgjald búnaðarfélaganna okkar, á síðasta ári, var 1.356.000 kr og það á að duga fyrir stjórnarlaunum og kostnaði vegna aðalfundar okkar. Þetta var skoðað mjög gaumgæfilega fyrir 2 eða 3 árum þegar endurskoðun samþykkt okkar fór fram og þá var staðan sú að þetta dekkjaði í raun bara aðalfundinn okkar.

Vegna breytinga á samþykktum BÍ verðum við á þessu starfsári að fara í endurskoðun á okkar samþykktum og að minnsta kosti breyta kosningu til búnaðarþings til samræmis við nýjar samþykktir BÍ.

Ég tel samt mikilvægt að við höldum áfram með þá umræðu sem hófst með síðustu breytingu samþykkt okkar, eins og t.d. hvort fækka megi í stjórn, eigum við að afleggja svæðisskiptinguna? Eiga búnaðarfélögin sjálf að borga aðalfundafulltrúum sínum ferðalaun? Og fleira þess háttar.

Mikilvægt er að við séum öll virk í þessari umræðu og komum skilaboðum á framfæri við það fólk sem eru fulltrúar okkar á landsvísu. Í þessu samhengi þá langar mig að benda á ályktun sem liggur fyrir aðalfundinum frá Búnaðarfélagi Lundarreykjadalshrepps, þar sem skorað er á BÍ að selja Bændahöllina og Hótel Sögu. Þetta er risastórt mál og sitt sýnist hverjum eins og gengur og gerist en það er samt mjög mikilvægt að við sem erum t.d. búnaðarþingsfulltrúar fáum einhverja tilfinningu fyrir því hver viljinn er. Auðvitað er erfitt að mynda sér glerharða afstöðu án þess að hafa forsendur til að byggja á og ef niðurstaðan verður sú að ályktunin verður samþykkt hér, þá þýðir það samt ekki að selja skuli bara fyrir hvaða verð sem er.

Annað sem mikilvægt er að átta sig á, ef af sölu verður þá tekur við varsla heilmikla fjármuna og eins og ástandið hefur verið síðustu misseri, þá er spurning hvort ekki sé best að geyma fjármuni í steinsteypu?

Mig langar að lokum til að segja ykkur dálítið frá hvernig gengið hefur á fyrsta starfsári Ráðgjafarmiðstöðvar landbúnaðarins, þar sem að ég sit í stjórn þess félags.

Fyrsta rekstrarárið var gert upp með verulegum halla, eða 40 milljónum, að vísu er um helmingur af þessari upphæð einkiptiskostnaður, sem er tilkomin vegna stofnunar félagsins og yfirtöku á öllum kaupum og kjörum starfsfólks frá búnaðarsamböndunum. Það tók eðlilega svolítinn tíma að hrista starfsfólk saman og brjóta niður þessa ósýnilegu vegg sem voru viðloðandi ráðgjafarstarfseminna.

Nú er kominn góður gangur í fyrirtækið og langar mig sérstaklega að vekja athygli ykkar á þeim ráðgjafarpökkum sem eru að koma þessar vikurnar. Þetta eru sauðfjárræktarpakkar, jarðræktarpakkar, nautgriparæktarpakkar og fleira.

Allar upplýsingar má nálgast á heimasíðunni [www.rml.is](http://www.rml.is).

Eins og fram hefur komið í tölvupósti sem ég sendi öllum bændum hjá Búnaðarsamtökum Vesturlands gef ég ekki kost á mér til áframhaldandi setu sem formaður BV.

Mig langar af því tækifæri að færa öllu því góða starfsfólki Búnaðarsamtaka Vesturlands sem ég kynntist þakkir fyrir þeirra störf, sem unnin eru af trúmennsku og áhuga.

Bændum á Vesturlandi, Vestfjörðum og Kjalarnesi eru færðar þakkir fyrir ánægjulegt samstarf. Öllu því frábæra samstarfsfólki sem setið hefur í stjórn BV þakka ég góða samvinnu.

Að lokum þakka ég einstaklega ánægjulegt samstarf við þessa 3 framkvæmdastjóra sem voru í minni formannstíð, Eiríki Blöndal, Sigríði Jóhannesdóttur og nú síðast Guðmundi Sigurðsson.

Ég óska Búnaðarsamtökum Vesturlands heilla um ókomna tíð.

Guðný H. Jakobsdóttir

### 3. Ávörp gesta

Sigurgeir Sindri Sigurgeirsson, formaður Bændasamtaka Íslands færði góða kveðju frá BÍ, hann kom inná það helsta sem var samþykkt á Búnaðarþingi. Nefndi t.d. breytingar á Nautastöðinni, félagskerfi landbúnaðarins, fulltrúafjölda á búnaðarþingi, hver væri stefna samtakanna varðandi innflutning á hráu og ófrosnu kjöti og varnir gegn innflutningi. Hann talaði um eflingu á framleiðslu og sölu á lífrænum búvörum, ímynd og kynningarmál fyrir landbúnaðinn og álfir og gæsir, þar sem safna á frekari upplýsingum og er góður skriður á því máli.

Sindri ræddi um stefnumál og starfsskilyrði landbúnaðarins í heild.

BÍ var falið að fara í viðræður við stjórnvöld um nýjan búvörusamning. Búnaðarlagasamningur gæti verið hluti af því samningsferli, búið er að skipa vinnuhóp. LS hefur einnig stofnað vinnuhóp varðandi sauðfjársamninginn.

Sindri kom inná merkingar á landbúnaðarvörum, skipaður hefur hópur sem fer yfir hvernig best verður staðið að upprunamerkingum. Varðandi tollamál, þá er það nýjasta tillaga um að fá að flytja inn lífræna mjólk. Sindri kom inná málefni LbhÍ, og ástæður þess að BÍ vill standa vörð um skólann og starfsemina á Havnneyri. Bændasamtök Íslands eru opin fyrir umræðum en með hagsmuni landbúnaðarins að leiðarljósi.

### 4. Afgreiðsla kjörbréfanefndar

Kristján Magnússon gerði grein fyrir kjörbréfum

#### **Frá Búnaðarfélagi Hvalfjarðar**

Daníel Ottesen

Friðjón Guðmundsson

Guðmundur Sigurjónsson

#### **Frá Búnaðarfélagi Skorradals**

Lárus Pétursson

#### **Frá Búnaðarfélagi Andakíls**

Guðmundur Sigurðsson

#### **Frá Búnaðarfélagi Lundarreykjadals:**

Árni Ingvarsson

Guðni Eðvarðsson

#### **Frá Búnaðarfélagi Reykdæla – enginn fulltrúi**

#### **Frá Búnaðarfélagi Hálsasveitar – enginn fulltrúi**

**Frá Búnaðarfélagi Þverárþings**

Pétur Diðriksson  
Grétar Reynisson  
Brynjar Bergsson

**Frá Búnaðarfélagi Mýramanna**

Porkell Fjeldsted  
Kristjana Guðmundsdóttir  
Sigfús Helgi Guðjónsson

**Frá Búnaðarfélagi Kolbeinsstaðahrepps**

Kristján Magnússon  
Albert Guðmundsson

**Frá Búnaðarfélagi Eyja-og Miklaholtshrepps**

Pröstur Aðalbjarnarson  
Gunnar Guðbjartsson

**Frá Búnaðarfélagi Staðarsveitar**

Guðný H. Jakobsdóttir  
Sigurjón Grétarsson

**Frá Búnaðarfélagi Eyrarsveitar:**

Jósef Ólafur Kjartansson  
Hallur Pálsson

**Frá Búnaðarfélagi Helgafellssveitar – enginn fulltrúi**

**Frá Búnaðarfélagi Hörðudals:**

Svavar Magnús Jóhansson

**Frá Búnaðarfélagi Miðdala**

Guðmundur Pálmason  
Jón Zimsen  
Snæbjörg Bjartmarsdóttir

**Frá Búnaðarfélagi Laxárdals:**

Magnús Kristjánsson

**Frá Búnaðarfélagi Hvammsfjarðar:**

Jón Egill Jóhansson  
Rúnar Jónasson

Samkvæmt kjörbréfum voru 28 fulltrúar mættir. Ekki komu fram athugasemdir við þessa fulltrúa og teljast þeir því réttkjörnir.

Auk þess sátu fundinn úr stjórn BV þau Valberg Sigfússon og Þórhildur Þorsteinsdóttir og Ingveldur H Ingibergsdóttir sem skrifaði jafnframt fundargerð.

**5. Ársreikningur lagður fram.**

Guðmundur fór yfir framlagðan ársreikning og eru helstu niðurstöður úr rekstrar-og efnahagsreikningi eftirfarandi:

Rekstrartekjur alls kr. 99.006.613.-

Rekstrargjöld alls kr. 91.567.631.-

Afskriftir kr. 4.338.079.-

Hagnaður fyrir fjármagnsliði er kr. 3.100.903.-

Fjármagnsliðir eru neikvæð um kr. 1.552.798.-

Tap dótturfélagsins BBV ehf er kr. 17.314.-

Hagnaður ársins er kr. 1.530.791.-

Eignir samtals eru kr. 50.911.382.-

Eigið fé er alls kr. 19.969.118.-

Skuldir samtals eru kr. 30.942.264.-

Skuldir-og eigið fé alls kr. 50.911.382.-

**Matarhlé**

**6. Umræður um skýrslu stjórnar og reikninga**

Hallur Pálsson gerði athugasemd við skýrslu í nautgriparækt og fundarboð í bréfi til bænda. Að öðrum kosti sagðist hann leggja til að reikningarnir yrðu samþykktir.

Þorkell Fjeldsted tók til máls og lýsti yfir áhyggjum af stöðu mála hjá LbhÍ. Einnig kom hann inná rekstur Hótel Sögu. Gjaldtöku sem er hjá MAST vegna heimsókna dýralæknis/forðagæslumanns og að lokum lýsti hann þeirri upplifun af því að sitja setningu Búnaðarþings sem var mjög góð og hrósaði BÍ.

Guðný Jakobsdóttir tók til máls, hún skýrði hvars vegna stjórnin tók ákvörðun um að skipta um endurskoðnarfyrirtæki. Guðmundur svaraði Halli Pálssyni, varðandi bréf til bænda og það kom fram að einfaldlega hefðu verið gerð mistök við útgáfu fréttabréfsins. Í samþykktum BV segir: „Fundurinn skal opinn öllum félagsmönnum í aðildarfélagum búnaðarsamtakanna, með málfrelsi og tillögurétt“. Í Bréfi til bænda frá því í mars sl. segir „að öllum bændum er heimil fundarseta en aðeins kjörnir fulltrúar hafa málfrelsi, tillögu og atkvæðisrétt.“ Sindri svaraði Þorkeli, varðandi Hótel Sögu, sem er til sölu. Ef kemur ásætlanlegt verðtilboð má gerra ráð fyrir að því verði tekið.

Varðandi búfjárefirlitið þá skýrði Sindri út að gjaldskráin væri alfarið á könnu MAST, fjárlaganefnd alþingis gaf samþykki fyrir því að þessi gjaldtaka væri heimiluð.

Sindri skýrði einnig hluta af rekstrarvanda vegna LbhÍ.

Jón Zimsen spurði um félagsgjöldin, hvar þau væri að finna í ársreikningi eða þá tölu sem Guðný nefndi í skýrslu sinni.

Ingveldur svaraði Jóni, þar sem þessar tölur eru í sundurliðunum ársreiknings BV.

**7. Afgreiðsla reikninga**

Ekki komu fleiri athugasemdir og reikningar því samþykktir.

**8. Kynning á verkefninu „Hittu heimamann“**

Þorgrímur Guðbjartsson á Erpsstöðum kynnti verkefnið, sem rúllaði af stað eftir að hafa fengið ýmsar spurningar frá ferðamönnum um „daginn og veginn“ hann kom inná það hversu mikilvægt er að nálgast ferðamenn á annan hátt, bjóða þeim heim og leyfa þeim að sjá hvernig við búum. Hann vill meina að við þurfum að gera meira af því að

leyfa fólki að vera í návígi og gefa af sér til gesta. Þau (Þorgrímur og Halla Steinólfsdóttir) sóttu um styrk í þetta verkefni og vilja hvetja fólk til að vera með. „Hver einn bær á sína sögu“

Þetta verkefni er enn á byrjunarstigi en þau binda vonir við að hægt verði að markaðssetja ferðir í Dalina og „hitta heimamenn“

Bryndís Geirsdóttir, kynnti sig og verkefnið „Hið blómlega bú“ sem eru sjónvarpsþættir og hafa verið sýndir á stöð 2. Hugmyndin var að tengja betur á milli bænda, framleiðslunnar og neytenda. Þetta verkefni hefur tekist mjög vel. Þau eru að fara í vinnslu á 3. seríu og finnst mjög mikilvægt að reyna að halda áfram að miðla upplýsingum og þekkingu til fólks. Spurning um lífsstíl og menningu allra Íslendinga og hún hvatti bændur til að láta þau vita um áhugaverð viðfangsefni eða verkefni og uppskriftir sem þau geta nýtt í þættina. Vill búa til „Matarlandið Vesturland“

## 9. Tillögur lagðar fram

*Tillögur frá stjórn BV*

*Aðalfundur BV haldinn í Árbliki í Dalasýslu 10. apríl 2014, lýsir þungum áhyggjum á ástandi malarvega á starfssvæði Búnaðarsamtaka Vesturlands, þar sem víða hefur verið ábótavant um viðhald á þeim um ára bil. Fundurinn hvetur Vegagerð ríkisins, þingmenn kjördæmisins og stjórnvöld til að auka fjármagn til viðhalds og uppbyggingar vega á Vesturlandi.*

*Aðalfundur BV haldinn í Árbliki í Dalasýslu 10. apríl 2014 samþykkir að greiðsla fyrir setu á aðalfundi verði ½ dagpeningar og akstur verði greiddur samkvæmt aksturstaða ríkisins.*

*Aðalfundur BV haldinn í Árbliki í Dalasýslu 10. apríl 2014 samþykkir að árgjald til BV verði kr. 3000 vegna yfirstandsandi árs á gjaldskyldan félag.*

*Aðalfundur BV haldinn að Árbliki 10. apríl 2014 samþykkir eftirfarand fjárhagsáætlun fyrir árið 2014.*

<b>Fjárhagsáætlun fyrir Búnaðarsamtök Vesturlands 2014</b>			
	Áætlun	Raun	
	2014	2013	
<b>Rekstartekjur</b>			
Seld þjónusta	75.903.000	77.207.948	
Starfsfé	20.606.000	20.916.488	
Aðrar tekjur	1.250.000	882.177	
<b>Tekjur alls</b>	<b>97.759.000</b>	<b>99.006.613</b>	
<b>Rekstrar gjöld.</b>			
Rekstrarvörur	18.450.000	16.995.708	
Laun og launatengd gjöld	46.345.000	47.153.540	
Bíreiða- og ferðakostnaður	15.867.000	14.825.561	
Annar rekstrarkostnaður	9.034.677	12.592.822	
Samt:	89.696.677	91.567.631	
Afskriftir alls	4.500.000	4.338.079	
Vaxtatekjur og verðbætur	350.000	388.926	
Vaxtagjöld, verðbætur	1.900.000	1.941.724	
Afkoma dótturfélags	30.000	17.314	
<b>Gjöld alls</b>	<b>97.616.677</b>	<b>97.475.822</b>	
Mismunur.	142.323	1.530.791	



*Frá Búnaðarfélagi Lundarreykjadalshrepps.*

*Aðalfundur Búnaðarsamtaka Vesturlands, haldinn í Árbliki 10 apríl 2014 skorar á Bændasamtök Íslands að selja Bændahöllina og Hótel Sögu sem allra fyrst.*

*Aðalfundur Búnaðarfélags Hvammsfjarðar haldinn að Laugum Sælingsdal 27. mars 2014, styður ákvörðun bændasamtaka Íslands, um að halda rekstri Landbúnaðar háskóla Íslands á Hvanneyri með líku sniði og verið hefur. Aðalfundurinn fordæmir einnig vinnubrögð menntamálaráðherra er varðar þá ákvörðun Bændasamtaka Íslands að hafna sameiningu LBHÍ og HÍ.*

## **10. Nefndarstörf**

### Búfjárræktar-og jarðræktarnefnd:

Rúnar Jónasson – formaður  
Magnús Kristjánsson  
Gunnar Guðbjartsson  
Sigfús Helgi Guðjónsson  
Brynjar Bergsson  
Daníel Ottesen  
Guðni Eðvarðsson  
Þróstur Aðalbjarnarson  
Jósef Ólafur Kjartansson  
Snæbjörg Bjartmarsdóttir  
Jón Egill Jóhannsson

### Allsherjarnefnd:

Kristján Magnússon – formaður  
Lárus Pétursson  
Grétar Reynisson  
Kristjana Guðmundsdóttir  
Árni Ingvarsson  
Þorkell Fjeldsted  
Sigurjón Grétarsson  
Friðjón Guðmundsson  
Jón Zimsen

### Fjárhagsnefnd:

Pétur Diðriksson – formaður  
Guðmundur Sigurjónsson  
Albert Guðmundsson  
Guðmundur Pálmason  
Hallur Pálsson  
Svavar Magnús Jóhannsson

## 11. Afgreiðsla mála

### Rúnar Jónasson flutti tillögur búfjárræktar-og jarðræktarnefndar:

*Aðalfundur BV haldinn í Árbliki 10. apríl 2014 mótmælir því að almennt búfjárefirlit verði gjaldskyld. Tillöguna ræddu Guðmundur Sigurðsson og Kristján Magnússon. - samþykkt.*

*Aðalfundur BV haldinn í Árbliki 10. apríl 2014 hvetur stjórn BV að beita sér fyrir að haldnir verði fræðslufundir um framkvæmd búfjárefirlits á starfssvæðinu Jafnframt hvetur fundurinn til þess að BV taki saman efni um framkvæmd búfjárefirlits og aðbúnaðarreglugerðir verði aðgengilegar á heimasíðu BV. Tillöguna ræddi Guðmundur Sigurðsson. - samþykkt*

*Aðalfundur BV haldinn í Árbliki 10. apríl 2014 beinir því til Bændasamtaka Íslands og umhverfis-og auðlindaráðuneytis að safnað verði frekari upplýsingum um tjón sem álfir og gæsir valda á ræktunarlöndum bænda. Á grundvelli þeirra gagna verði ákveðið hvort heimildarákvæði verði sett í lög um tímabundið leyfi til skotveiða á álf og gæs í tilraunaskyni á ræktunarlöndum bænda. Tillöguna ræddu Guðmundur Sigurðsson og Þórhildur Þorsteinsdóttir – samþykkt*

### Kristján Magnússon flutti tillögur allsherjarnefndar:

*Aðalfundur BV haldinn í Árbliki í Dalasýslu 10.apríl 2014, lýsir þungum áhyggjum á ástandi malarvega á starfssvæði Búnaðarsamtaka Vesturlands, þar sem víða hefur verið ábótavant um viðhald á þeim um ára bil. Fundurinn hvetur Vegagerð ríkisins, þingmenn kjördæmisins og stjórnvöld til að auka fjármagn til viðhalds og uppbygginar vega á Vesturlandi. Pétur Diðriksson tók til máls um tillöguna – samþykkt*

*Aðalfundur BV haldinn í Árbliki 10 apríl 2014 skorar á Bændasamtök Íslands að vinna að sölu á Bændahöllinni og Hótel Sögu ef ásættanlegt verð fæst. Guðni Eðvarðsson og Guðný Jakobsdóttir ræddu þessa tillögu - samþykkt*

*Aðalfundur BV haldinn í Árbliki 10. Apríl 2014 lýsir yfir stuðningi við Bændasamtök Íslands um að standa vörð um sjálfstæði LbhÍ á Hvanneyri. Aðalfundurinn lýsir jafnframt yfir vonbrigðum með framgöngu menntamálaráðherra í málinu.– samþykkt*

### Pétur Diðriksson flutti tillögur fjárhagsnefndar:

*Aðalfundur BV haldinn í Árbliki 10.apríl 2014 samþykkir að greiðsla fyrir setu á aðalfundi verði ½ dagpeningar og akstur verði greiddur samkvæmt aksturstaða ríkisins. – samþykkt*

*Aðalfundur BV haldinn í Árbliki 10.apríl 2014 samþykkir að árgjald til BV verði kr. 3000 vegna yfirstandsandi árs á gjaldskyldan félag. – samþykkt*

*Aðalfundur BV haldinn að Árbliki 10. apríl 2014 samþykkir að laun stjórnar og skoðunarmanna verði eftirfarandi:*

*Formaður kr.150.000 á ári og kr. 10.000 á fund*

*Aðrir stjórnarmenn: kr. 50.000 á ári og kr. 10.000 á fund*

*Varamaður stjórnarmanns kr. 10.000.- á fund*

*Skoðunarmenn reikninga kr. 15.000*

*Auk framangreindra launagreiðslna verði greiddur akstur samkv. aksturstaxta ríkisins. – samþykkt*

*Aðalfundur BV haldinn að Árbliki 10.apríl 2014 samþykkir eftirfarandi fjárhagsáætlun:*

<b>Fjárhagsáætlun fyrir Búnaðarsamtök Vesturlands 2014</b>		
	Áætlun	Raun
	2014	2013
<b>Rekstartekjur</b>		
Seld þjónusta	75.903.000	77.207.948
Starfsfé	20.606.000	20.916.488
Aðrar tekjur	1.250.000	882.177
<b>Tekjur alls</b>	<b>97.759.000</b>	<b>99.006.613</b>
<b>Rekstrar gjöld.</b>		
Rekstrarvörur	18.450.000	16.995.708
Laun og launatengd gjöld	46.345.000	47.153.540
Bifreiða- og ferðakostnaður	15.867.000	14.825.561
Annar rekstrarkostnaður	9.034.677	12.592.822
Samt:	89.696.677	91.567.631
Afskriftir alls	4.500.000	4.338.079
Vaxtatekjur og verðbætur	350.000	388.926
Vaxtagjöld, verðbætur	1.900.000	1.941.724
Afkoma dótturfélags	30.000	17.314
<b>Gjöld alls</b>	<b>97.616.677</b>	<b>97.475.822</b>
Mismunur.	142.323	1.530.791

- *Samþykkt*

## 12. Kosning stjórnar og varastjórnar

### a) Kosning formanns án svæðisbindingar.

Greidd voru atkvæði og féllu þau þannig: Þórhildur Þorsteinsdóttir hlaut 26 atkvæði og Pétur Diðriksson 1 atkvæði.

Svæðabundin kosning í stjórn BV. Fulltrúar úr Mýra-og Borgarfjarðasýslu kjósa 2 stjórnarmenn, fulltrúar úr Snæfells-og Hnappadalssýslu kjósa 1 stjórnarmann og fulltrúar úr Dalasýslu kjósa 1 stjórnarmann.

Úr Mýra-og Borgarfjarðarsýslu: *Daníel Ottesen og Halldór Gunnlaugsson*

Úr Snæfellsnes-og Hnappadalssýslu: *Kristján Magnússon*

Úr Dalasýslu: *Valberg Sigfússon*

Kosning varamanns formanns: *Halla Steinólfsdóttir*

### b) Kosning varamanna annarra stjórnarmanna

Úr Mýra-og Borgarfjarðarsýslu: *Einar Örnólfsson og Guðbrandur Guðbrandsson*

Úr Snæfellsnes-og Hnappadalssýslu: *Gunnar Guðbjartsson*

Úr Dalasýslu: *María Líndal*

## 13. Kosning skoðunarmanna og endurskoðenda

a) Kosning tveggja skoðunarmanna og varamanna þeirra: *Hallur Pálsson og Brynjólfur Guðmundsson.*

b) Til vara: *Sigurður Jakobsson og Böðvar Bjarki Magnússon.*

c) Kosning löggilts endurskoðanda: *Konráð Konráðsson hjá KPMG.*

## 14. Önnur mál

Pétur Diðriksson tók til máls og þakkaði Guðnýju fyrir vel unnin störf.

## 15. Fundarslit

Nýkjörinn formaður Þórhildur Þorsteinsdóttir tók til máls og þakkaði traustið sem henni var sýnt. Þakkaði fyrir góðan fund og óskaði fundarmönnum góðrar heimferðar.

Fundi slitið kl. 16.30